

UNIVERZITET U TUZLI  
Broj: 01-44-JN-10/24  
Tuzla, 08.05.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1), tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-44-JN-9/24 od 07.05.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine Direktor za ekonomske poslove donio je

## **O D L U K U**

### **O IZBORU NAJPOVOLJNIJEG PONUĐAČA**

#### **I**

U otvorenom postupku javne nabavke za pružanje usluga kolektivnog osiguranja studenata prvog ciklusa studija i integriranog prvog i drugog ciklusa studija Univerziteta u Tuzli od posljedica nesretnog slučaja u akademskoj 2024/2025 godini, kao najpovoljniji ponuđač izabran je „ASA CENTRAL OSIGURANJE“ d.d. Sarajevo, te se istom dodjeljuje ugovor o pružanju usluga.

#### **II**

Ponuda ponuđača iz tačke I ove Odluke ocijenjena je kao najpovoljnija iz razloga što kao prihvatljiva ispunjava sve uslove postavljene u tenderskoj dokumentaciji i što je primjenom utvrđenog kriterija odabira „ekonomski najpovoljnija ponuda“ koji je uključivao podkriterija: premija osiguranja, sume osiguranja i rok isplate osigurane sume nakon kompletiranja dokumentacije, ostvarila ukupno 100 bodova.

#### **III**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluka ponuđačima koji su učestvovali u postupku javne nabavke.

#### **IV**

Ova Odluka stupa na snagu sa danom donošenja.

### **O b r a z l o ž e n j e**

Univerzitet u Tuzli pokrenuo je postupak za izbor najpovoljnijeg ponuđača za pružanje usluga kolektivnog osiguranja studenata prvog ciklusa studija i prvog i drugog integriranog ciklusa studija od posljedica nesretnog slučaja u akademskoj 2024/25 godini, putem otvorenog postupka javne nabavke broj: 01-44-JN-2/24 od 27.03.2024. godine objavljenom na Portalu javnih nabavki dana 03.04.2024. godine pod brojem: 795-1-2-35-3-51/24, sažetka obavještenja u “Službenom glasniku BiH” broj: 24/24 od 05.04.2024. godine i WEB stranici Univerziteta. U ostavljenom roku ponude su dostavila dva ponuđača i to: “SARAJEVO-OSIGURANJE” d.d. Sarajevo i “ASA CENTRAL OSIGURANJE” d.d. Sarajevo.

Nakon javnog otvaranja ponuda Komisija za provođenje postupka javne nabavke izvršila je pregled dostavljenih ponuda te utvrdila da ponuda ponuđača “SARAJEVO-OSIGURANJE” d.d. Sarajevo prelazi planirana, odnosno osigurana novčana sredstva ugovornog organa za predmetnu nabavku, tj. planirani budžet za ovu nabavku iznosi 24.050,00 KM bez PDV-a, a ponuda iznosi 24.505,00 KM bez PDV-a, što znači da ista prelazi planirana, odnosno osigurana novčana sredstva ugovornog organa za predmetnu nabavku, te shodno tome a u skladu sa članom 2. tačka 1) alineja 2) Zakona o izmjenama i dopunama Zakona o javnim

nabavkama („Službeni glasnik BiH“ broj: 59/22), ponuda ponuđača je neprihvatljiva. Shodno navedenom ponuda ponuđača „SARAJEVO-OSIGURANJE“ d.d. Sarajevo nije išla u dalju proceduru.

Daljom analizom utvrđeno je da ponuda ponuđača „ASA CENTRAL OSIGURANJE“ d.d. Sarajevo ne prelazi planirana, odnosno osigurana novčana sredstva ugovornog organa za predmetnu nabavku, ponuđač je dostavio sve dokaze zahtijevane tenderskom dokumentacijom zbog čega je ocijenjen kvalifikovanim za dobro obavljanje posla, a njegova ponuda ocijenjena je prihvatljivom.

Prihvatljiva ponuda ponuđača „ASA CENTRAL OSIGURANJE“ d.d. Sarajevo je primjenom utvrđenog kriterija odabira „ekonomski najpovoljnija ponuda“ koji je uključivao podkriterija: premija osiguranja, sume osiguranja i rok isplate osigurane sume nakon kompletiranja dokumentacije, ostvarila ukupno 100 bodova.


Budući da ponuda ponuđača „ASA CENTRAL OSIGURANJE“ d.d. Sarajevo, ispunjava sve kriterije postavljene u otvorenom postupku, to je Komisija dala preporuku direktoru za ekonomske poslove da donese Odluku o izboru navedenog ponuđača za pružanje usluga kolektivnog osiguranja studenata prvog ciklusa studija i integriranog prvog i drugog ciklusa studija od posljedica nesretnog slučaja u akademskoj 2024/25 godini i istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1. Tuzla.

Prilog: Zapisnik o pregledu i ocijeni ponuda broj:  
01-44-JN-9/24 od 07.05.2024. godine

DOSTAVITI:  
1x svim učesnicima  
1x a/a



DIREKTOR ZA  
EKONOMSKE POSLOVE

Eden Osmanbegović, dipl. oec.